



Protokoll

Leidandmed	EAA.3369.1.1
Kaader	14
Daatum	19.12.1866
Protokolli number	63
Protokolli teema	5. Kahjutasu
Märkused	

Nr 63 Kahkva Kr. kohtu een sel 19. December 1866

Kaiwas Jaan Puksand, et temmal om enne Niggola päiwa haina kuhhi ärra lahutu, mes Peter Kartman ja Jaan Mit olles ütelnu, et Daniel Lepland olles ööse hainu toonu ent nemma ei tija kost temma olles toonu. Ja nüüd om J. Puksand Kahkva wörmöldre Peep Lepmanniga Daniel Leplandi poolt hainu leidnu, mes J. Puksand arwab oma hainuga kokku sündiwat ja kohtu een ka wötta olli sel 2. Januaril 1867.

Tunistaja Jaan Mit ütles, D. Lepland om pääle Niggola päiwa ööse hainu toonu, Peter Kartman om wäljast seisse tullu, ja ütelnu Jaanile, minne kaema Daniel tõi hainu, ent Jaan ei olle kaema lännu.

Ette tullu Daniel Lepland, ja ütelnu et temma wennemaalt Rösna küllast Wassila käest ne haina oma toonu, mis Jaan Puksandi hainuga kokko sündiwa, ja enne tuud ütelnu Daniel Märastu lohhust ne haina ollewat. Sel 23 Januaril 1867.

Sel pääle sai kohtumees Jakob Lepland Daniel Leplandika Rösna külla Wassila poole sadetust, kullema kas Daniel säält hainu ostnu olli, mes ka säält olli ütelnu et Daniel olles säält hainu ostnu. Ja kohtumees om Rösnast haina ütelnu wötnu prowis kas neide hainuga kokku sünniwa mes Danieli poolt olli leidu, end ne Rösna külla haina es süni mitte kokko neide hainuga mes Daniele poolt leitu olli, ja J. Puksandi haina kokku sündiwa.

Tunistaja Peter Körtman ütelnu, et Daniel om eddimalt pikki hainu toonu ja perrast paari nädali eest om jälle Daniel hainu toonu ja möllemba korra om ööse kikka aigu ollu. Mes ka Jaan Mit perrast ütelnu et D. Lepland kaits kõrda hainu toonu olli mes temma ei olle tahdnu edimalt ütelda.

Se pääle ütelnu ka Daniel et temma kaits kõrd Rösnast hainu toonu, mes temma enne mitte es olle ütelnu.

Kohhus mõist et D. Leplandi tunnistus mitte kokko es sünni, eddimalt ütelnu Märastu lohhust ja perrast Wennemaalt om toonu. Se paali ka kohtumees wennemaal sedda asja kulleman käis ja ka prowi ütten tõi mes ka neide kottust leitu

hainuga kokku es sünni. Ja sis jälle ütөл et temma kaits kõrda wennemaalt hainu toonu mes ka D. Lepland eddimalt ülles es anna.

Mõis kohus D. Leplandi südlasses ja peab Jaan Puksandile 5 Rbl. masma kahju tasumiseses ja tärmin panti et 26 Januarini peab käes ollema.

Walla wannemb **Paap Lepman**

Päkohtumees **Michel Musting**

Rein Oinberg